

雙  
白  
燕  
窩  
外  
鑲



雙白燕  
堂外鐘

書場贖稿工齋

光緒甲午  
五月琴版



畫塲賸稿序

畫塲賸稿者武進陸徵君劭文先生任書記之所爲作也先生少壯時卽以才品名東南垂老猶爲諸侯客士鬻文工鬻伎畫塲云者工下而伎拙名之以自嘲也都若干卷其陳諸廟堂垂之金石者義嚴以閱氣厚以愉也其指事贈言抒情述意者辭曲以盡旨深以婉也曰賸稿云者全數之佚也嗚呼先生之於客久於文勤矣唐韓愈言書記之任非具閎辨通敏兼人之才者莫能居之若先生者可不謂閎辨通敏兼人之才者莫能取士而辟舉未盡廢朝廷旣得收其俊偉以補王官之缺而士之失意主司者亦得自效幕府階致通顯先生

雙白燕堂外集序

何如哉然先生雖未能如昌黎所記許孟容杜兼入仕王朝而身當乾嘉之間承

國家極盛之餘海內富庶名公鉅卿類多風流儒雅篤耆文學樂與諸賢雋商略往還不憚屈己下之而財力贍給又足以佐其優禮故幕府常極一時之選而博學高文之士藉資遊覽而廣著述者往往棲託其間先生雙白燕堂詩其中山水友朋蓋多取諸是貴擘故以悲先生之不遇而又未始不歎其遭時之爲可幸也先生孫彥頤刺史去先生之卒四十二年而權興國州事纂修邑志抵書武昌幕中招貴擘以來因出先生著作見示凡金石續編二十一卷雙白燕堂古今體詩集十卷

均子受廉訪所梓行若賸稿則先生所欲然戒勿刊者  
刺史懼其久而散佚也疑弗決貴墀曰何疑哉代張籍  
之書張方平之奏今皆存韓蘇集中此其例矣且烏有  
爲人子孫顧代先人執謙退遏盛美而弗揚者刺史謹  
應曰諾然則子或爲之序固辭不可爲識其刊行緣起  
如此抑貴墀非所爲閎辨通敏者徒以衣食之故不得  
已而爲先生所爲章陋而取輕去傭勺者幾希繙繹是  
集能無如昌黎之愧發於中顏變於外乎嗚呼是則尤  
可悲歎者矣子受廉訪蓋先生季子諱傳應官吾湘至  
今民猶歌頌刺史能文宦並有聲於以見先生之貽謀  
弗替云光緒四年歲次戊寅夏四月巴陵杜貴墀謹序

雙白燕堂外集目錄

畫墁剩稿

武進陸耀遒劭文

卷一 奏摺

恩賞

御製詩初集謝摺

恩賞

味餘書室全集

御製詩初集謝摺

恩賞

御製盛京頌墨刻謝摺

恩賞

御筆見蝗歎墨刻謝摺

恩賞

御製勤政箴墨刻謝摺

恩賞

御製文初集謝摺

恩賞

御製文二集謝摺

恩賞

御製各墨刻謝摺

雙白燕堂外集目錄

一

恩賞

御製甄別賢愚以澄吏治論墨刻謝摺

恩賞

御製因循疲玩論墨刻謝摺

恩賞

御製苦早賦墨刻謝摺

恩賞

御製弭邪教說謝摺

欽頒

高宗純皇帝聖訓謝摺

欽頒

高宗純皇帝聖訓謝摺

恩賞

御製明慎用刑說墨刻謝摺

恩賞

御製全韻詩謝摺

恩賞

欽定春秋左傳讀本謝摺

恩賞受俘禮成詩刻謝摺

恩賞 御書福字鹿肉謝摺

恩賞 御書福字鹿肉謝摺

恩賞福字壽字鹿肉謝摺

恩賞藥錠謝摺

恩賞藥錠謝摺

恩賞藥錠謝摺

卷二 奏摺

平定回疆賀摺

平定回疆賀摺

平定回疆賀摺

雙旦壽堂外集目錄

擬平定回疆賀摺

耆民親見八代五世同堂摺

耆民五世同堂摺

耆民親見七代五世同堂疏

五代同堂七世同居疏

百歲壽婦疏

題請 旌表孝子節婦疏

題 旌某烈婦疏

卷三 祠版

雩壇祝文

吳山龍神廟告文

祭同州九龍池神廟文

太白山請雨告文

太白山請雨文

太白山請雨告文

太白山取靈湫告文

太白山還靈湫疏

太白廟祝文

火神廟祝文

祭整屋縣城隍神文

土地祠牒文

土地祠祝文

雙白燕堂集目錄

卷四 公牘

廣東武鄉試錄序

浙江巡撫帥札嘉興府桐鄉縣

斌廉訪關防告示

重修長安縣志勸捐引

廣東捐給故員路費啟

爲孫懷遠勸捐奠賑啟

卷五 壽文

孫昆園觀察八十壽序

莊邠州虛菴先生八十壽序

誥封榮祿大夫帥曉村先生八十壽序

太子少保予告大學士戴皆山先生八十壽序

余寄崖先生七十壽序

程岱菴封公七十壽序

王理堂學博七十壽序

徐乾州樹垣刺史七十壽序

莊邠州虛菴先生七十壽序

吳澹和先生七十壽序

果亭中丞六十壽序

莊杏齋少尹六十壽序

廣東布政使敬占方伯六十壽序

章佳督部繹堂先生五十壽序

雙白燕堂外集目錄

楊桂山觀察五十壽序

陳漢三大令五十壽序

許青士觀察五十壽序

西安副都統富公五十壽序

都拜按察四十壽序

潼商興堪觀察四十壽序

卷六 壽文

蔣明泉孝廉暨配王夫人七十壽序

一品夫人那拉太夫人七十壽序

胡母許太恭人六十壽序

宋母蔣太宜人八秩開一壽序

一品太夫人魏母田太夫人壽序  
一品太夫人魏母田太夫人壽序

崔母吳太恭人壽序

崔母吳太恭人壽宴頌並序

孫母楊太孺人七十壽辭

卷七 壽詩

山西布政使葉健菴先生壽詩一百韻並序

顧鏡川封君七十壽讌詩四十韻

果亭先生六十壽詩並序

那拉太夫人壽詩一百韻

朱母陳太孺人七十壽宴詩六十韻

卷八 哀祭

雙白齋堂外集目錄

五

江西僚屬公祭李星屏撫部文

廣東將軍巡撫公祭李協卿封公文

祭方勤襄公文

祭方宮保勤襄公文

祭襄平蔣節相文

祭盛孟巖方伯文

祭盛孟巖先生文

祭劉檀橋先生文

祭劉檀橋宮贊文

祭雨泉方伯文

祭佟佳按察文

祭費鹿溪封君文

祭雷瓊周曉坡兵備文

祭襄城營都司鄒君文

祭盛慶陽甫山先生文

陝西敦按察祭莊伯鴻司馬文

祭徐太公文

祭洪母蔣宜人文

祭陝甘總督那公繼配宗室夫人文

祭那拉淑人文

祭朱母顧太夫人文

雙白齋堂外集目錄

祭黃母陳太孺人文

祭劉母李恭人文

祭莊太孺人文

祭高晴江配陸夫人文

祭吳太孺人文

贖稿數百首 先王父自署籤目以授我諸父俾

藻績之文知所取法當時競相傳抄幾於蔡中郎

之獲論衡焉兵火後抄本散失里中後進每以未

見爲恨茲錄原稿三之一凡文百有十首五言排

律五首編諸外集爲門六爲卷八以類相附故多

寡不齊壽祭文間有相似句則自徐庾以逮四傑

諸集固多類此者矣又尺牘十二卷道光季年文  
登畢曼年方伯刊於浙中題曰姑射詞人尺牘近  
時亦不常見家藏未刻稿尙多然殘缺不完編校  
匪易再有所輯當附外集以行那文毅公贈聯云  
著書軼釋名埤雅而上摘藻在平原清河之間先  
人纂述宏富亦於斯可想見云

孫祐勤謹再誌

雙白燕堂外集目錄

七

雙白燕堂外集卷一

奏摺

武進陸耀勳文

恩賞 御製詩初集謝摺

陝西巡撫方維甸

欽惟我

皇上學勤念典德洽崇文溯堯廷受璽之年詩歌復旦  
迨禹甸銷兵而後奏叶薰風天章彙以八年衍策適符  
義畫詩教源於四始成編共仰奎文作之君作之師觀  
文所以成化止於慈止於孝訓政卽以傳心問安視膳  
之餘載賡聖製紀提勤民之作丕迪前光御苑臨軒聽  
政則敬瞻堂構山莊啟蹕慕思則如見羹牆曰雨曰暘  
每義陳於洪範我農我稼恍象繪夫幽風仰厘飢溺之

雙白燕堂外集卷一

一 畫墁剩稿

殷懷澤溥近畿無一夫之失所迅奏平成之懋績河循  
故道慶九曲之安流除莠綏良用采薇之屢賦閱勞望  
捷慮滋蔓之難圖欣茲凱唱爭傳上繼十全之丕烈欽  
仰睿謨廣運已清三省之餘氛載續武功光昭文治雅  
頌之理而民正甯侈夫月露風雲聲音之道與政通宜  
被諸咸英韶濩敷訓言於皇極經天緯地卅八卷歲紀  
亥辰窺寶笈於初編合璧連珠億萬年元開甲子臣扣  
槃識短窺管才疏敢忘監誦之勤竊冀和聲之盛望景  
卿而誌喜皇哉邁古勲華式金玉以颺言允矣侔人壽  
考

恩賞 味餘書室全集 御製詩初集謝摺 陝撫方

欽惟我

皇上政協敷言文臻成化本二典三謨而出治共仰君  
師合四始六義以抒詞胥歸風雅聖由天縱三餘之睹  
記靡遺學每日新乙夜之披尋不倦青宮毓德已宏養  
正之規紫禁怡顏時奉聞詩之訓固卽依永協和聲之  
盛立言成載道之功洎乎膺大寶而念典猶勤御細旃  
而緝熙彌勵舉凡內聖外王之學播告爲昭更於勅幾  
熙載之餘篇章益富揚和鑾而順動寫畿輔之民依開  
廣殿以疇咨獎循良之吏績上繼十全之丕烈師旋而  
杖杜興歌預籌九曲之宣防河復而舉焚入詠味餘成

雙白燕堂外集卷一

二

畫幔刺荷

集視樂善以同符御製初編紹重華而克讓壽諸梨棗  
咸欽宇宙大文珍若璆琳欣捧縑緙秘笈猥蒙頒賜優  
及顯愚臣技等蟲雕識慙蠡測瞻星雲而有耀懸日月  
以不刊明四目以達四聰願益頌光昭之治書萬本而  
誦萬遍實莫名欽服之忱

恩賞 御製盛京頌墨刻謝摺 欣撫方

欽惟我

皇上德邁勲華性成仁孝辰告凜旦明之鑒亦保亦臨  
寅衷攄對越之忱有嚴有翼承

列祖滋培之厚敢忘基迹迪光答上穹眷佑之長永念  
舊邦新命緬留都爲創垂之地惟上

陵實展謁之規弓鉞敬瞻衣裳載設葛燈土壁彌欽儉  
德之留貽寶胄珮弧遠溯宏猷之式廓壇廟潔馨香之  
薦祀事孔虔旗民蒙樂利之麻湛恩普被法宮回蒞海  
寓騰歡頌製八章慕抒十載仰奎章之炳耀天地同昭  
懿鉅典之崇閱日星爲紀賦盛京之形勝千秋上繼堯

雙白燕堂外集卷一

三 畫長 剩肩

文頌景亳之山河億載肇開軒紀

恩賞 御筆見蝗歎墨刻謝摺

陝撫方

欽惟我

皇上治切求甯恩周藏富有年有幹三農樂周諧之盈甯曰雨曰暘九陞厪箕疇之徵念屬以偏裻偶見於長羸因之螟特潛萌於畿輔年穀已通八蜡璇宮蒿目倍切疇咨豐穰共慶千倉黼座宜毫彌形兢惕如嗟保介軫稼穡之艱難誕告牧司切痾瘵於飢溺申食稼食民之明誠斥虛詞虛美之妄陳臣職忝守疆情殷望歲萑苻初靖正值放牛買犢之時耕鑿咸安敢忘祭虎迎貓之典拜天章之璀璨如睹星雲糾縵之華沐聖澤之涵濡益召風雨甘和之瑞

雙白燕堂外集卷一

四

畫墁剩稿

恩賞

御製勤政箴墨刻謝摺

欽惟我

皇上安行天健聖敬日躋久於道以化成且明倍凜慎厥修而思永宵旰勤求體天道之常經自強因以不息納臣工於在宥日進乃以無疆百度維貞用著匪康之訓四言垂誠如陳無逸之篇臣任忝封圻材慙駑鈍敬宣德教常虔誦夫箴銘綏撫黎元冀毋荒於職守程書自勵當思補拙之方退食不遑長切懷安之戒

恩賞

御製文初集謝摺

陝撫方

欽惟我

皇上睿思天亶文治日新咸五登三垂教廓羣經之府  
旨千文萬立言開眾說之邪壁水圍橋凜旦明於辰告  
泰壇方澤儼昭格於寅清述巍煥於前謨是彝是訓繼  
延洪於

列聖丕顯丕承錫厥庶民闡崇正闡邪之精義儆於有  
位宣立身敬事之名言尙德原誠統乎心法治法之全  
與典謨而並重銘經鑄史觀乎天文人文之著揭日月  
而長新臣忝膺持節之榮得與賜書之列弄藏襲錦莫  
窺聖學之深薰盥披函如近天顏於咫尺

雙白燕堂外集卷一

五

畫塲剩稿

恩賞

御製文二集謝摺

陝西巡撫朱勳

欽惟我

皇上邇治崇文睿謨載道念典既日新月盛出之溥博  
淵泉爲章則雲爛星隤倬矣昭回霄漢溯自攝提初屆  
寶書快睹乎寰瀛迄茲柔兆重逢玉簡宣光於奎璧一  
日綜萬幾之蹟而健行未輟丹豪十年承二集之頒更  
美備胥彰翠蘊凡此敷言錫極無非蒞政勤民舉心共  
見夫寅衷眾體兼賅乎辰告臣操觚未習窺管何知幸  
叨持節之榮得與賜書之列誦萬本如承提命贊一辭  
莫罄形容通德類情奉彝訓而誠求蒼赤觀文成化揭  
聖言而炳若丹青

恩賞 御製各墨刻謝摺 陝撫朱

奏爲恭謝 天恩事竊 臣仰蒙 恩賞 御製致變之  
源說原教遇變罪已詔酌減合節禮儀諭盡心竭力報  
天恩諭報天恩肅吏治修武備諭行實政論墨刻各一  
分當卽恭設香案望闕叩頭祇領欽惟我

皇上敬本日躋道符天健聖不自聖常凜嚴恭寅畏之  
思安益求安每深告誡丁寧之旨昭升於上敷聞於下  
教思無窮容保無疆做百爾以克艱求厥宵觀厥成亦  
臨亦保納羣工於在宥有則改無則勉是訓是行 臣敬  
謹跪讀欽佩悚惶謹當詳切闡揚通行宣示務使官懲  
疲玩兵警怠慵立懦廉頑各知感奮至 臣 愿荷聖慈拔  
擢宥過施仁惟有倍矢慎勤益加淬勵恪遵睿訓在在  
提撕以期仰酬高厚鴻慈於萬一

雙日燕堂外集卷一

六

晝晏刺稿

恩賞 御製甄別賢愚以澄吏治諭墨刻謝摺

陝撫朱

欽惟我

皇上典飭幾康功符陶鑄爲億兆姓勤求民瘼殫千百  
言垂戒官常惟守令職係親民治理由於化導而督撫  
責專察吏大法所以小廉要當甄別人才斯可轉移風  
氣若樹小惠而忘遠慮姑息適以養奸或托鎮靜而習  
因循遲延致多廢事誠如

聖諭詎敢姑容任賢勿貳去邪勿疑凡舉錯難逃燭鑒  
知人則哲安民則惠胥臣庶咸荷生成臣惟有罄竭血  
誠恪循體要視教化之勤惰定官吏之去留彰瘴羣僚  
剔除積弊奉訂謨於辰告書萬本誦萬遍期無偏無黨

雙白燕堂文集卷一

七

晝晏剝稿

以同歸凜懲勸於寅衷愛百姓戒百官益矢慎矢勤而  
弗替

恩賞 御製因循疲玩論墨刻謝摺

陝撫朱

欽惟我

皇上睿謨天亶聖敬日躋健行允協於乾符迪教屢頒夫巽命道在存誠去僞惟實政必本實心教以保泰持盈有治人斯彰治法釋宸旨於五年之內丁寧幾及乎百篇緬奎章於二集之編申傲夙虔乎三復尙恐因循積習或仍疲玩相沿用提耳之加詳俾盡心而罔懈臣與司道等恭宣

聖諭同飭官常承命自天知宵旰不忘劼愆負慙無地問涓埃未報生成惟當竭力辦公潔身率屬有嚴有翼是訓是行簡厥修進厥良共勗戴星之治有則改無則勉各懷皎日之忱

雙白燕堂外集卷一

八

畫墁剩稿

恩賞

御製苦旱賦墨刻謝摺

陝撫朱

欽惟我

皇上仁洽時和治昭功叙有年有幹八紘綏周誥之豐  
曰雨曰暘九陞錫箕疇之福自徂暑稍屯夫膏澤致偏  
稷偶見乎京畿黼座宣毫肅雩縈而先深兢惕鑿與啟  
蹕歷郊圻而倍切疇咨軫稼穡之艱難如嗟保介等痼  
瘵於饑溺誕告臣工惟求保赤之誠用格上蒼之眷禱  
桑林而雨集金穰協六事之宜仰雲漢於天章玉燭驗  
四時之順臣職司疆寄念切歲功凜宸翰之丁寧惟有  
勤求民瘼誦奎文而寅畏益期宣布皇仁

雙白燕堂文集卷一

九 畫樓剩稿

恩賞

御製弭邪教說謝摺

陝撫朱

欽惟我

皇上治崇經正德協誠存宣風徧洽於閭閻訓俗上勞  
夫宵旰凜申頒之異命周防嚴保甲之條仰寅畏於乾  
符平直準由庚之路惟樹表務端乎根本庶莠民盡抉  
其萌芽鑿法禁之難齊厘愚頑之易惑教之喻義欽握  
要於宸衷導以知方發探原之

御論

臣與司道等恭宣奎製各飭官常惟當大法而小

廉乃冀風行而草偃與言慈與言孝共勵化民成俗之  
忱有恒產有恒心咸欽建極綏猷之治

欽頌

高宗純皇帝聖訓謝摺 陝撫朱

欽惟

高宗純皇帝聖神天錫訓誥雲垂六十年治洽調鴻億萬載眷隆詒燕大哉聖人之道發號施令罔有不臧永底烝民之生敷時繹思徂維求定牖世約六經之旨宅心集千聖之成我

皇上紹庭嗣武保極思文自一話一言答揚先訓叙五情五典攸受前甯載啟寶滕式鑄瑤笈是彘是訓三百卷衣德繼繩丕顯丕承四十類綸章巍煥堯文廣被軒筴榮頌誦訂謨而虔繹心傳聆咨傲而如親指授臣扣

雙白燕堂外集卷一

十 畫曼刺稿

槃識陋莫窺日月之光華測勺忱微敬溯淵源於善述傲於有位感被

兩朝教誨保惠之仁敷厥庶民宣為兆姓正直平康之準

欽頌

高宗純皇帝聖訓謝摺

欽惟

高宗純皇帝功茂十全福徵四得升恆久照六十年文  
治昌明幬載同符萬億世皇猷巍煥立政約六經之旨  
本建極以誕敷勅幾裕萬化之源集大成而廣益我  
皇上紹膺鴻緒祇適前光丕顯丕承仰性功之合撰是  
彞是訓洵作述之交孚爰輯瑤函式鑄寶笈三百卷編  
摩彪炳綜一朝創制之全四十類誥誠詳明賅千古訓  
詞之則臣學懃謏陋識極庸愚獲虔繹夫聖謨得備聞  
夫至教黃封下賁開緘而幸際重熙素食滋虔服膺而

願誦萬徧

雙白燕堂外集卷一

十一 畫墁剩稿

恩賞 御製明慎用刑說墨刻謝摺

護理陝西巡撫常明

欽惟我

皇上迪教謚刑推恩止辟體好生之大德法貴中和垂折獄之聖謨論昭平允知矯虔之巧於遁飾先以明用稽疑念蠢愚之情可哀矜因而慎於挈合煥綸言而垂金法摘奎藻以炳珉文睿鑑朗則無所將迎索隱何煩乎鉤距仁網寬而戒其羅織得情尤謹夫亭疑惟遠惟明覆盆盡燭克勤克慎銜轡常操蘊元氣於春生立法本奉天之治躋斯民於仁壽敷言即錫福之徵大澤涵濡允矣風清湯網庶明勵翼欽哉化洽虞廷爰昭象魏之懸常著烏臺之式奴才猥慙驚劣幸拜鸞章睹昭回

雙白臺堂外集卷一

士 畫壇剩稿

而暗鑠欣開聆懋勉而履冰凜切深知禱昧繹至言而謹學無私詳察權衡守大卞而先期勿懈讀之萬遍奉為忠信慈惠之模銘之寸心庶得明允協中之意

恩賞 御製全韻詩謝摺

陝撫朱

欽惟我

皇上右文化洽纘武勳崇傳心謹率夫舊章揮翰恪遵  
乎成憲自昔聖製彙四聲之總合往代以品題卽今奎  
章仍五字之遺迺前光而稱述紀敬天於辰告亦保亦  
臨頌法祖之寅衷是夔是訓勤求治理六十年帝澤覃  
敷念切民依三百卷聖謨賅備集大成於四庫文德光  
昭銘偉績於十全武功魏煥治超千古乃聖極於乃神  
文邁重華善繼兼乎善述猥蒙頒賜優及顯愚臣識愧  
扣槃撫蟻忱而敬佩珍逾襲錦竭蠡測以難名

雙白燕堂外集卷二

三 畫曼刺稿

恩賞

欽定春秋左傳讀本謝摺

廣西巡撫康紹鏞

欽惟我

皇上化洽觀成學勤念典弼教備君師之統敷言廓經  
史之郭緬右文而指示編摩本左氏以推求筆削紀年  
繫月經緯麟書比事屬辭權輿馬史點畫採唐石經而  
是正訓詁宗杜武庫以旁通義簡逾賅說詳返約讀本  
允推善本折衷悉秉淵衷臣帖畢操觚功踈辨例研稽  
退食學愧兼長幸從持節之班得與頒經之列願書萬  
本表星雲有曜之文莫贊一詞揭日月不刊之義

恩賞受俘禮成詩刻謝摺 兩廣總督李鴻賓

奏爲恭謝 天恩事竊 臣 賫摺差弁回粵捧到 恩賜

御製檻送首逆張格爾生致闕下受俘禮成用誌七

言十二韻詩墨刻一卷謹卽恭設香案望闕叩頭祇領

欽惟我

皇上勇昭天錫化洽風行大告武成傳檄獻昇平之頌

誕敷文德舞干賡紉縵之歌運廣聖神誠孚歡抃惟霍

集占之餘孽有張格爾之頑克幸脫拏誅妄思悞負爲

梟爲鏡遠萌鬼蜮之謀生龜生醜未改封狼之性我

皇上龍顏選將虎旅徵師靈威頽太白之鈐電影激飛

黃之馭四城迅復萬里窮追罟魚立見燿銷穴蟻難逃

雙日燕窩外集卷一

齒 畫樓刺稿

烽灌顧或畏罪而自戕徼外抑或成擒而就戮行間縱

足蔽其餘辜尙未扞乎眾憤今則飛馳俘檻快九寓之

傳觀緩下歐刀服五刑之備具顯正懸街之律肅將告

廟之儀遐邇異懷神人感慶是皆

聖主智周閭外鑒徹幾先裕決勝之成謨策戮渠而生

致黃羊臘鼓凱歌達西極而遙朱鷺班鏡奎藻叶南薰

之奏 臣 節旄久忝珥筆才荒笳鼓遙喧請纓誠切早傳

露布先聆薄海之歡聲今捧雲章益仰慶霄之偉烈七

言十二韻詩宣史乘琳瑯括記載之全百世萬億年勳

播樂懸尉候驗車書之盛

恩賞 御書福字鹿肉謝摺 陝撫方

伏念 臣 幸逢景運渥荷隆施未圖報於涓埃正撫衷而  
兢惕茲際寅賓肇歲仰蒙申錫自天瞻義畫而騰輝介  
福則敷從皇極飫堯廚之分味頒祿則和媿衢尊恩溥  
春祺書備陳疇之五寵叨珍膳詩賡肄雅之三

雙白燕堂外集卷一

十一 畫樓剩稿

恩賞 御書福字鹿肉謝摺 陝撫朱

伏念 臣 猥以庸愚渥叨豢養涓埃未報兢惕方深茲當  
歲律初調特荷寵光下賁天書錫祉慶禔福於受釐仙  
脯分甘寓榮名於頒祿倬雲漢爲章之象鳳翥軒墀際  
靈臺偃伯之辰麟遊文囿 臣 欣逢景運忝被殊榮仰戴  
楓宸敷錫之恩捧義畫而福隨春至敬推萃野相呼之  
義飫堯廚而樂與民同

恩賞福字壽字鹿肉謝摺 兩廣總督阮元

伏念臣質比樛輕材同鴛劣久司嶺海未效涓埃際茲  
禹甸迎韶復荷堯天錫祐春祺懋介寶字雙輝福自天  
申福臣卽所以福粵壽由帝錫壽臣亦所以壽民奉楓  
陛之洪施藻章煥彩拜筵廚之珍品萃野生香列在岳  
臣深殷嵩祝共沐如天之福更思益壽之恩臣奉職邊  
隅倍邀宸貺惟有愈加奮勉益勵精勤以期仰酬  
聖主疇錫無疆之至意

雙白燕堂蘇集卷一

十六 畫墁剩稿

恩賞藥錠謝摺 陝撫方

伏念臣忝任封圻職司牧養時當九夏方厘暑雨之咨  
恩渥三霄特賜上池之藥紫金鍊液能祛沴氣之煩歎  
黃靶開緘知出尙方之修製頒來珍劑感切微忱敬分  
寵貺於羣僚同被恩華勤問小民之疾苦願溥仁施於  
三輔咸臻康豫欣逢大造之生成

恩賞藥錠謝摺

陝撫朱

竊臣忝任節宣屢叨錫賚茲際南訛平秩譜康阜於由  
庚復蒙西被推仁荷恩榮於端午脩製出尙方珍劑傳  
香開內府瑤緘絳雪青霜俾探月窟蒸丹之秘金膏玉  
液用廣天家保赤之慈典重頒冰寵逾賜葛紉之組佩  
襲薰風而長沐生成調以衢尊飫湛露而同躋仁壽

雙自燕堂文集卷一

七 畫垣剩和

恩賞藥錠謝摺

陝撫方

伏念

臣職司撫字寵荷生成宣

帝德以育黎元誠求保赤念庶徵而咨疾苦恩賚靈丹  
玉液凝華品式兼宜於佩服金膏洩秘陰陽悉泯其偏  
頗頒珍劑於尙方祛煩蒸於盛夏九霄沛澤欣際蒲香  
艾綠之辰三輔同春榮逾細葛香羅之錫

雙白燕堂外集卷二

奏摺

武進陸耀燾劄文

平定回疆賀摺

廣東將軍慶保及督撫學政等會奏

竊臣等接閱京報欣悉首逆張格爾就擒大功告蕝西  
徼肅清慶愜臣民歡騰中外欽惟我

皇上德威震疊聖武宣昭赤土同倫尉候靖防秋之旅  
青雲干呂車書會函夏之通固已鱗集仰流象來致福  
迺有逆酋張格爾者西荒遺孽南竄窮黎恃遠阻以講  
張外生成而竊發羆罷易種通驅屯虎落而遙蛩駉爲  
奸嘯聚徹狼肱以外齧刀入鼎沸湯雪以游潛螳斧當  
車觸風霆之赫怒我

雙白燕堂外集卷二

一

畫境乘補

皇上法文昌而命將整武備以興師贊鼓星馳班旗電  
掣十決十盪伐苞符十日之占九距九攻破竹自九天  
而下迅報四城之克復早傳萬里之懽呼惟該逆自稔  
貫盈虎岫竊負明知力屈蟻穴思逃半載稽誅崇朝就  
縛衝鉤雪積乘宵潰以攻心俘檻水輪逼歲除而授首  
天戈者定露版遄飛藁街彰國憲之明威籌筆秉廟謨  
之勝算掩櫓槍而掃霧智勇夙裕於幾先挽河漢以銷  
烽慶賞更周乎善後方碑圓喝金微增銅柱之標節鼓  
清笳鐵勒譜玉門之凱敷天告慶薄海承庥臣等未効  
稱干忻聞縻組聽鼓鞶而思奮如瞻軒陛陳符洗兵甲  
以懷仁咸戴堯階舞羽

平定回疆賀摺

將軍長齡等

奏爲首逆就俘回疆底定恭申賀悃仰祈 聖鑒事伏  
聞七德遐宣迺聲鐘鼓五材並用爰製干戈有文治必  
兼武功討叛原非勤遠繼顯謨而昭承烈安邊卽以衛  
民奮庸揚神武之威唱凱頌昇平之喜欽惟我

皇上德媿勲華天錫智勇纘

列祖

列宗之鴻緒壹戎衣而畿輔肅清咸來王來享以駿奔  
率職貢而華夷讜服固已道洽重熙光被四表矣迺有  
逆夷張格爾者襲瑪哈墨特之餘氛妄生逆釁以阿拉  
巴圖之賤族狡起戎心謂天蓋高或緩雷霆之擊據地

雙白燕齋集卷五

二

畫曼刺稿

以叛遂生鬼蜮之謀招搖月竈之機槍煽惑花門之種  
類庚郵籤斷莎車之四鎮皆驚戍校屯虛疏勒之孤軍  
遂困箕尾壯山河之氣恩重身輕旄頭興風雨之妖罪  
深惡極始乘我師不備肆憑陵而豕突狼奔繼乃同族  
相戕縱貪淫而鯨吞鵠合九嬰扇虐甘外堯天三孽當  
鉏難寬湯鉞溯自準噶爾蕩平之後正霍集占叛亂之  
時烏續翼而不解依人虎少狎而遽思負國我

高宗純皇帝殲渠掃穴柔遠懷來爲國家重立藩籬闢  
新疆二萬餘里俾要荒盡登衽席涵醲化六十八年逆  
祖波羅泥都自干叛極逆父薩木薩克倖免孥誅不期  
未燼之灰乃發潛滋之蔓我

皇上赫然斯怒召司馬以蒐兵肅若臨軒射封狼而整  
旅乘天玉弩直梢大白之芒出塞金鏡大合飛黃之隊  
選干城於列鎮萬馬臨邊遣侍從之崇班千牛分衛山  
飛朱鳳盡飄纓鳴劍而來江繞黑龍咸中壘射聲之彥  
命臣長齡爲揚威將軍臣楊遇春武隆阿參贊軍務吉  
日維戊詔出甘泉軍令嚴申氣吞瀚海繩十全之聖武  
御丹毫而策授十條揚萬里之天威捧彤矢而歡騰萬  
眾山皆危險崑都崙縱轡而馳河欲斷流渾巴什投鞭  
竟渡先趨溫宿捷徧師而轉戰如飛徑取楨中奪隘道  
而長驅直進飛熊飛虎勇氣無前如火如荼軍容倍壯  
赤坂慰來蘇之望牛酒爭持白題矜拒轍之雄螳車尙

奮威生神臂一時之明月齊轡機響佛郎四面之火雲  
盡合屢奪狼頭之纛拔幟舉旗欲齊熊耳之山斷戈棄  
甲勢成破竹未匝月而捷已逾三散若飛蓬思背城而  
戰難借一高墉不守爭趨堞以先登壯士長歌遂橫矛  
而竟入燕方巢幕原撫已以知危鼠憤跳梁未凌辰而  
先竄

皇上乃親裁批答載示韜鈴照六幕以無遺早炳先幾  
之鏡計萬全而不爽重頌決勝之符揚逐北之旌旂窮  
搜蛾黨振征西之金鼓屢拔龍堆三受降城盡復黃圖  
之舊五折冲技爭窮白狄之踪蹋狐羣如鷹隼排空度  
雁躡而驛驢開路銜枚疾進邊月微明拔柵爭先陣雲

忽起僕姑飲羽並穿長萬之顛弧父飛鈞競斷蚩尤之  
背附逆者孽由自作既落指以摧牙懷德者誠有同歸  
遂連肩而接踵雖窮鱗匿影尚偷延金底之生而困獸  
空羣已盡化中原之血鷲坡經澗追奔踰百萬重山涉  
險縫幽深入又二千餘里什克南輸枕負弩遠縛番酋  
拍原西重譯獻琛願爲偵騎時命楊遇春凱撤入關以  
臣楊芳參贊軍務繼又命臣武隆阿爲喀什噶爾參贊  
大臣臣誠端蘇清阿爲協辦大臣秉

聖訓而策籌善後寓創於因勵戎行而士盡爭先以防  
爲捕方謂伏林妖鳥永避庭弓詎知被彈驚禽又投天  
網恃安集延爲牙爪拒比陰螂結布魯特爲腹心噬同  
瘦狗復逞九頭之暴難稽一面之誅於是萬隊之貔貅  
共奮草木皆兵四山之風雨交鳴戈矛齊舉五窮五遁  
方將買日爲生六甲六丁倏已自天而下振奇兵而迅  
擊氣奮先零聽萬騎之傳呼生擒頡利此皆我

皇上智周離照衡始終而盡有成謨是以各將士吉叶  
師貞秉方畧而聿收洪捷大鯤鯢而小梟獍駢頭嚴後  
至之誅左干戚而右簫鐃渠首就前驅之縛兵以不得  
已而後用故致賊而必生罪至無可赦而始誅乃行師  
而必克抒伐交伐謀之畧允迪前光宏善繼善述之謨  
不揚達孝開九重之閭闔歡傳鳳闕椒花聽萬里之饒  
歌喜溢鰲山燈火銀繡綵勝祥光爭耀於紅旂玉燭金

甌瑞氣常凝於紫陛從此九邊無事將買犢以耕耘萬  
馬不嘶盡解鞍而蹠蹠一路唱平羌之曲露布傳郵諸  
番傾向日之誠星羅伏地望金牛而北上三十六國歡  
呼有道聖人頌天馬之西徠億萬千年慶衍無疆皇祚

雙白燕堂外集卷二

五

畫塲剩稿

平定回疆賀摺

順天學政彭邦嘯

奏爲首逆就擒敬申賀悃事本月初六日

臣

考畢天津

撤圍後接閱京報欽奉

諭旨丕播捷音率土蒙庥普

天同慶

臣

懽欣忭舞莫可名言欽惟我

皇上福以德基勇由天錫親提虎準卽清畿甸之氛立

靖鯤身永息澎湖之浪當累洽重熙而後共享昇平雖

遐方絕域之區咸懷賓服蠢彼霍集占之逆裔遺茲張

格爾之元兇本屬餘生久稽顯戮溯

高廟蕩平伊始不忍淨其根株惟

國家休養歷年總

未加之搜捕果其潛踪匿跡尙爲覆載所容何期拒轍

跳梁自外生成之化草已除而滋蔓薪已燼而含芒於

雙白燕堂外集卷二

六

畫曼刺稿

是命將出師整軍經武元戎專閫上帥參謀旌旆飛揚

選索倫之勁旅弓刀颯爽掄健銳之英姿民無傳檄之

勞復租屢詔兵以從軍爲樂轉饜優儲投鞭斷渾巴什

之流縱轡據崑都倫之頂驟如風雨震若雷霆加以回

眾畏威蕃酋効命剪彼雁翅騰我龍驤遂復四城頻宣

三捷當熊羆之氣方赴赴而烏獸已散若紛紛空曳尾

於泥中暫遊魂於釜底

皇上猶恩施遐邇誠貫始終勗其敵愾之心示以捨渠

之略固知罪深惡極特苟延旦夕之謀然而決策運籌

終上厘旰宵之念設該逆戕生於絕地卽我師斬馘於

行間雖天討之聿申覺人心其未暢爾乃飛蛾赴火自

蹈危機饑鼠窺人復萌故態意謂一年將盡士當解甲  
以嬉豈知五夜爭馳將已自天而下擊都曇之臘鼓響  
雜鈺鐃傳吉爆之春聲烟騰燧燧冰山雪窖陋寒宵平  
淮蔡之功綵勝桃符嬾元夕奪崑崙之智矧復神光雲  
爛顯助軍威良由聖敬日躋默邀昊鑒用能手擒頡利  
頸繫黃支貳負草心壹戎底績從此來王來享和闐之  
璧充庭引養引恬普爾之錢流地統凸鼻纏頭之眾被  
淪肌浹髓之恩迪惟前光昭茲盛軌臣荷戈力荅簪筆  
才疎身幸際夫燕辰耳快聞夫鴻捷持節以宣文治未  
隨羣職吹鏡聽朱鷺之歌集泮而懷好音願率諸生采  
藻上飛鴉之頌

雙白燕堂外集卷二

七

畫曼刺稿

擬平定回疆賀摺

粵東傳聞四城克復首逆就擒大吏擬賀後知未確稿并存

欽惟我

皇上鏡清寰宇軌範垓垓六幕同春並育不遺於異類  
三辰垂象咸臨遍及乎殊方溯自握符而闡珍孰不航  
琛而輦費詎有逆裔張格爾者鴟巢遺孽蠱尾餘生纖  
塵揚大漠之風點雪犯洪爐之火窮依葱嶺馬腹不畏  
長鞭亂煽櫬雲螳臂敢當巨轍比頑苗而更蠢七旬猶  
梗於堯階等鷲鳥之不仁一面自櫻夫湯網法無姑息  
義必殲除我

皇上申異命以詰戎叶師貞而授鉞相兼爲將四牡徂  
征勇且知方六軍敵愾山蛇陣鳥咸驚破竹之聲斧螭

雙白燕外集卷二

八 畫墁剩稿

鋒鏘罔異摧枯之勢兔已搜其狡窟盡繫妻孥歷欲比  
於駢虛潛投榛莽於是萬夫賈勇千騎追奔料譙羽之  
難飛豈頰鱗而尙躍蠻邸懸郅支之首未足蔽其餘辜  
檻車徵元濟之俘然後加之顯戮凡半載而膚功迅奏  
皆九重之聖武宣昭當凱旋北闕之時正琴譜南薰之  
候青圭秬鬯召公由漢澣而還赤芾葱珩方叔罷新田  
之役從此玉關偃草紫塞消烽統荒裔以從風賧錢歲  
納胥遐陬而稟朔寶布時輸率土臚歡普天同慶臣等  
職司南越逃聽西陲執爰未効乎前驅脫劍欣聞夫底  
定譜鏡歌而雪山皆煖誕張震疊之威敷文教而雲漢  
爲章願上太平之頌

耆民親見八代五世同堂摺

奏爲耆民親見八代五世同堂恭摺奏聞仰祈 聖鑒  
事乾隆五十六年八月十八日奉 上諭朕逮事

皇祖

皇考復得元孫朕已親見七代篤慶錫光更爲古今罕  
有着交八旗都統順天府尹及各直省督撫查臣民中  
如有實會親身上見祖父下逮元孫有指證者據實奏  
聞候朕優加恩賚用昭壽寓同登之盛等因欽此又准  
部議年在八十以上者給銀八兩緞一疋折緞銀六兩  
並給與八葉衍祥匾額等因在案茲據布政司陳觀詳  
稱臨潼耆民李朝貴現年八十六歲親身上見曾祖祖

雙白燕堂文集卷二

九 畫壞剩稿

父下逮元孫現在五世同堂確有指證取具宗圖冊結  
詳請具奏前來欽惟我

皇上邛治延釐重光錫慶恩敷亭育符昌會於歲年仁  
溥寰瀛叶祥徵於舜日含醕飲鬯祉衍髦頤食德服疇  
瑞彰里閭該耆民李朝貴籍近青門齒逾絳縣康衢擊  
壤侍曾祖之高年葑屋含飴見元孫於晚歲守分共稱  
良善舉家長享昇平

帝澤如春迺蕃滋於兆姓天家多福用敷錫厥庶民洵  
徵宙合之太和冀沐恩綸之褒寵除將宗圖冊結咨部  
外理合恭摺具奏

耆民五世同堂摺

查耆民張奮飛籍隸黃圖年逾絳縣服疇食德親承祖  
父之歡顏鼓腹含飴喜見曾元之繞膝蓋惟宏開壽寓  
蒸爲蔀屋祥和欣當際遇昌期快觀楓廷瑞應蓬壺恬  
養渥承雨露於

三朝瓜瓞綿延慶衍雲礽於七葉洵屬昇平盛事宜邀  
旌獎殊榮

雙白燕堂外集卷二

十 畫曼刺稿

耆民親見七代五世同堂疏

看得商州耆民薛崇孝世居四皓之鄉躬被九疇之福  
早歲親承聰訓耆年克篤貽謀既七葉之衍祥近百齡  
而錫羨弟更有弟同胞皆鮒耆之英孫又生孫繞膝洽  
蟬媯之慶友恭化俗雍睦傳家義門式百忍之規仁里  
聽三多之頌允爲人瑞宜荷天恩

五代同堂七世同居疏

該臣查看得華州捐貢生王世禧世服先疇居稱仁里七葉備天倫之樂一門敦古處之風迺前裕後弓裘無間於纘承合產均財箕帚不聞夫詬諍循陸氏九齡之範佩張公百忍之箴澤周閭黨懷洽比以無尤慶衍雲祜守義方而勿替洵屬德門之盛瑞用徵聖代之太和宜沐恩榮以彰激勸

雙白燕堂外集卷二

二 畫墁剩稿

百歲壽婦疏

題爲公報壽婦懇請轉詳事該臣看得華陰縣壽婦楊駱氏生於康熙五十七年五月二十五日今屆嘉慶二十二年現年一百歲蕙問夙昭松齡獨茂厯

四朝之休豫登百歲之期頤籍隸黃圖久沐深仁於西被齒逾絳縣重周大衍之中符惟閨門有壽考之徵實海宇肇延洪之慶宜荷國恩之敷錫式彰人瑞於昇平

題請 旌表孝子節婦疏

爲彙題節孝事該臣看得舉報節孝例應本家開列事  
實隣族具結該州縣學查實轉報由府司確核詳請彙  
題茲嘉慶二十一年分據西安等府州所屬各廳州縣  
舉報孝子節婦造具事實冊結由府司核明陸續詳報  
前來臣覆加查核漢陰等廳縣孝子邱崧等二名性秉  
淳良躬行孝友或採蘭戒養效萊舞於丁年或廢蓼銜  
思結蒿廬於丙舍韡華濟美哺烏慕切晨風仁粟旁求  
瞻象悽深濡露允屬門閭之通德足蒙綽楔之榮施又  
咸甯等廳州縣節婦徐何氏等六十七口筠操足式椒  
性彌芬誓井水以盟心指池冰而勵節或以春暉已暮

雙白燕堂外集卷二

十一 畫曼剩稿

謀甘旨於晨昏或以孤露靡依慎護持於襁褓或恤緯  
而供䟽粥或折蓼以課遺書溯柳惠易名之歲未越卅  
齡逮梁姬表譽之年並逾五秩惟婦職克全子道爲女  
宗兼樹母儀宜邀盛典之龐鴻用著貞規于德象

題 旌某烈婦疏

看得烈婦某氏青年激烈素節全貞秉四行而孝敬  
無違守一齋而潔清自矢觀其乞身求代剪髮明忱之  
死靡他甘殉而雉經何恤以誠相感未秋而雁唳先聞  
宜乎肌凜冰圭厯炎蒸而不壞允矣志堅金石閱久遠  
而彌彰合請表揚以崇激勸

雙白燕堂外集卷三

祠版

武進陸耀通劄文

雩壇祝文

具官某謹致祭於先農社稷山川之神曰恭聞泰壇方澤惟九重得備隆儀名山巨川雖百職亦祈羣望禮宜稽古政在勤民茲者星占龍見地屬鶉分惟土厚而水深恐陽愆而陰伏特舉雩宗之典以祈時若之祥惟神奠安九夏粒食萬邦鍾奇秀於坤維表靈長於坎德乘氣機而布化溫肅攸宜肇稼穡以前民生成永賴捍災禦患昭守土之尊灑潤流膏著興雲之應功並參乎蒼昊澤溥被於蒸黎某忝領封圻祇陳牲幣所願五風十雨嘉生永荷乎洪庥庶期千倉萬箱上瑞克書乎大有尙饗

雙白燕堂外集卷三

一 晝漫刺稿

吳山龍神廟告文

維神乘乾上御習坎中剛秉陽而克顯其靈行險而不  
失其性析津列宿錫康則暘雨貞符斗野崇禋溥利則  
山川納彖有求必應實操水運之權隨感斯通默執歲  
功之契惟浙省向稱澤國自夏間屢被霖災田廬之漂  
沒爲多湖海之積流滋旺涉波見豕上游亟注滂沱沈  
竈生蠹下隰倍難宜洩當南呂司分之候正西成告慶  
之時問農田宛在中央籌民食更無上策所冀巨川潤  
下委輸而眾水知歸卽期沃野流乾疏瀉而平疇悉出  
縱使苗傷嘉穀無望豐登猶希種補襍糧稍資收穫凡  
此嗷鴻未集職固無辭守土之愆或其躍蜬難馴神實

雙白燕集卷三

二 畫樓刺稿

專任司淵之責伏乞天瓢謹橐鞭石以蕩陰凝海弩飛  
標貫潮而平洶涌占壬癸而除罔兩祲可潛消籲庚辰  
以靖支祁涸堪立待庶使萬畦成壤廓我疆我理於沮  
洳從茲百道安流慰已溺已饑於宵旰土反其宅水歸  
其壑靈長仰昭格之庥受祿於天宜稼於田報賽潔饒  
芬之薦上通元感式鑒丹誠謹告

祭同州九龍池神廟文

維神坎德剛中乾元粹正析津演澗握水運於貞符并  
絡分流奠金行於左輔承天宣地九派著其靈長降雨  
興雲億姓資其樂利曩者魚星闕澤鶉野愆陽三農虛  
甲子之占萬眾切癸庚之慮誕依神力默佑歲功分滲  
漉於清泉沛滂沱之甘液靈池方挹屏翳鼓其元蚪吉  
玉將沉娥采離於金虎笙和華黍迄用康年蜡息黃冠  
咸思報本

聖天子仁周黎赤治洽幽明重春祈秋賽之文垂崇德  
報功之典大封式啟禋祀引乎無疆隆號丕昭胥嚮通  
乎有赫某職司守土仰蔭嘉庥敬肆牲牢兼新瓊甃惟  
冀邕風飲醴四時調通正之祥擊鼓吹詩兆載妥飭馨  
之薦尙饗

太白山請雨告文

維神列位皞墟秉精兌澤崇祀久垂於青汗流膏普潤  
於黃圖驗箕風畢雨之占輿情允協紀東作南訛之候  
霽貺頻昭尋源而精蘊三池湧澤則誠通萬彙茲際日  
躔南陸正當民服西疇負耜于田未叶淒祁之頌揮絃  
在御尙虛解阜之音旣應象於屯膏倍驚心於艱食矧  
春田薄殖三農未裕夫蓋藏倘夏暑愆陽百穀何由而  
樹藝某職司民牧念切田功自維禱昧無知施措有乖  
於治道用乃休和罔召蘊隆示儆於恆暘閔蒼赤之無  
辜望雲蒿目仰鑒臨之有赫卜澍齋心謹遣吏以陳詞  
敢爲民而請命籲求闔澤虔乞靈湫伏冀俛鑒微忱覃  
敷甘霽俾一犁初種荷蓑笠以趨功將萬井同歡薦馨  
香而報賽神其昭格惠此羣黎謹告

太白山請雨文

惟神鎮表南山佑昭西土肝鬻久隆於鵠野聲靈每著  
於龍池躔應金精聯天上紫垣之曜功符水德布關中  
赤縣之膏旣隨感而皆通實式馮之不爽茲穀雨尙遲  
霑渥而麥天已近清和宵占涉豕之波平野方資豐澍  
且見牽牛之宿出巖罕致祁雲仰膏則南畝同殷待澤  
則北山尤亟惟邊郡地當瘠薄縱逢年亦狼戾無多矧  
窮氓戶鮮蓋藏設遇歉則鴻嗷必甚某忝司曷寄奉職  
多愆軫念田功祈年孔夙青黃未接正連陸需霖雨之  
施蒼赤無辜尙艱食切雲霓之望敢爲民而請命謹遣  
吏以陳辭虔乞靈湫籲求愷霏伏冀沛滂沱之甘液分  
滲漉於清泉聿彰假夏之仁誕溥如春之澤庶使鳥工  
趣穫荷蓑笠以騰歡還期魚夢綬豐慶篝車而報賽神  
其昭格惠此蒸黎謹告

太白山請雨告文

惟神福佑皞墟靈含兌澤水德和四時之氣金穰錫三  
輔之年肅有素徵誠昭元感今歲來牟待潤霖澍隨滋  
惟因遲速異宜夏熟尙虧於數邑庶得優霑有慶秋成  
可卜于全秦茲已伏暑將殘屯膏未浹念渭北麥收歉  
薄何堪秋又無禾閔關西穡事艱勤尙賴神能以穀某  
自天旋節沐

皇仁屢荷疇咨無澤隨車軫民食彌滋愧悚慙惟典牧  
節宣弗迪於時和齋肅遜員籲請冀邀乎神貺用修申  
禱敬乞靈湫蠲致寅清虔祈闡澤所冀高原下隰足雨  
連膾越陌度阡如雲棲畝不俟崇朝而通用孚望歲之  
殷祇瀝丹誠神其昭格

雙白燕皇外集卷三

六

書漫刺稿

太白山取靈湫告文

維神上應金精下符水德肇明禋於西土司靈靈於南山知百穀之仰膏有求必應憫三農之待澤隨感而通神功厯驗於平時民事無愆於占候今自徂冬而後少積雰靈獻歲以來鮮霽霖霖五日十日久虛潤物之徵孟春仲春迭示恆暘之微時逾啟蟄象應屯膏良苗未見其懷新宿麥何資而實秀某忝司關輔望雲蒿目於西郊默體宸衷卜澍齋心於東作自惟涼德罔召麻和惟有遣吏陳詞爲民請命顛求閩澤虔乞靈湫冀憐民食攸關卽荷時霖渥沛滂沱得滋乎大地浥注仍返於眞源允脩報賽以明虔弗致塵寰之久瀆神其昭格式

雙白燕堂集卷三

七

書長刺稿

鑿微忱不勝迫切屏營之至謹告

太白山還靈湫疏

惟神協治山川流恩關輔利澤消蘊隆之沴明禋潔羞  
薦之誠既隨感而皆通無有所而不報粵自春分而後  
正屆百昌待澤之時迺於農事方興屢愆三日爲霖之  
兆服疇蒿目守土惓心敬乞靈湫祈敷甘澍果邀神貺  
默佑歲功沛恩膏以慰蒼生溥豐渥而通元感麥秋可  
待民食胥資允宜肅致馨香虔申報賽謹遣候補直隸  
州知州瑞林賚陳祝版奉返真泉惟神永覃闔澤俛答  
輿情灑塵符十日之占有穀志三秦之慶敬祈昭格式  
鑒微忱尙饗

太白廟祝文

雙日燕堂外集卷三

八

畫曼刻稿

惟神體舍金德名列星精配嶽鎮以崇標近天擬峻接  
岍岐而亘峙拔地稱雄望聳高寒貯凝冰於六月跡留  
邃異瀦神液於三池靈爽聿昭功施尤普惟農桑之被  
澤斯祈報以明虔時屆仲秋肅將祀事庶其歆格鑒此  
精忱尙饗

火神廟祝文

惟神位正離方權司夏合始燧人而紀物洎炎帝以名  
官五行收作苦之功靈昭出納四節布救時之政典重  
祈禳茲當秋享之期用著明禋之義或心或味燥萬物  
以生成不莠不稂戒大田而秉畀永賴槐榆之利敬修  
籩豆之儀既濟常占惟馨是格尙饗

雙白燕堂外集卷三

九 畫墁剩稿

祭蓋屋縣城隍神文

惟神正直降康監觀有赫同膺社稷人民之寄道無間  
於幽明默禦禳氛旱潦之災禮必隆於報賽往者弄潢  
告警伏莽興戎終南連環甲之營逐北守夷庚之隘鼎  
魚穴蟻天討同申石堡玉關地靈有藉惟神秉命蒼穹  
宣威赤縣按堵無驚桴鼓息兵永衛金湯兩階奚疾乎  
七旬一月已傳乎三捷匪直羣謀之協實資冥祐之麻  
在昔陳師致禱於懷州盪寇策功於郢郡未克方斯神  
速詎能視此靈長保障爲昭享祠必飭咨於守土薦以  
明禮虔表齋心恭懸榜額考之經禮崇儀先八蜡之牲  
稽厥春秋備物盛四鄰之馬神其來格庇我生民尙饗

土地祠牒文

惟神以地祇崇方社明禋廟食在浙江行省顧名思義  
實專后土之司因地揚靈宜溥農田之福乃本歲夏秋  
多雨洳潦爲災鴻罄鮮安宅之居魚夢失豐年之望占  
陽甫慶復注霑霖待涸無期難施播種服疇束手困不  
聊生守土焦心咎無可追稽事已虛夫秋穀輿情更急  
於春華爲此虔懇神庥垂憐民瘼陰陽本同一理上穹  
無不可轉達之忱節候已迫三秋下土有速乞昭蘇之  
禱惠敷澤國籲感天和神其鑒之時維亟矣謹牒

雙白燕宮外集卷三

十一

黃埭荆稿

土地祠祝文

惟神誕膺方社默祐歲功昨以多澍妨農平疇積潦勤  
求民瘼籲感天和敢邀泥馬之餘靈冀得澤鴻之普輯  
茲幸三秋物候漸兆時暘四野溝塍可期宣洩仰見捍  
災之有效行看轉禋以爲祥旣隨感而斯通無有求而  
不報某肅將祀事上答神庥伏願暢晴霽以盪陰霾出  
沮洳而資播種土反其宅水歸其壑豐登占八蜡之通  
稼穡惟寶黍稷惟馨肝饗賽千倉之祝載攄額頌敬焚  
心香謹告

雙白燕堂外集卷四

公牘

武進陸燿燾劄文

廣東武鄉試錄序

皇上御宇之八年歲在戊子各直省舉行文武鄉試臣  
 李鴻賓以兩廣總督兼署廣東巡撫文闡竣事適屆武  
 場督臣例任監臨撫臣職膺主試爰謹率同外提調布  
 政使臣阿勒清阿外監試按察使臣姚祖同內提調督  
 糧道臣夏修恕內監試雷瓊道臣喻溥進學政臣翁心  
 存錄送民籍武生一千七百零八名旗籍武生八十五  
 名并將軍臣慶保錄送滿洲漢軍前鋒馬甲等五十七  
 名次第校閱馬步射及技勇於十月十一日外場試畢

雙白燕堂外集卷四

一

晝晏刻稿

節恭呈

御覽臣例得颺言簡端竊惟武舉之科世傳昉於唐代  
 顧考成周盛時干城腹心選於武夫之列說者謂泰顛  
 閔天舉諸置罔周南所詠指其事而傳之漢選六郡良  
 家給羽林期門於是李廣趙充國甘延壽馮奉世之徒  
 並為名臣而任將知兵豪傑之士乘時間出武科之法  
 其來遠矣是即三年大比鄉大夫以射禮詢眾庶而獻  
 其賢能之書所以觀德所以肄武即所以取士周官立  
 政斯其遺意歟漢志有之威武者文德之輔助文之所  
 加者深武之所服者大德之所施者博威之所制者廣

二柄相須二略兼濟不易之道也方今我武維揚西陲  
底定致檻俘於闕下騰薄海之歡聲將相協謀折衝萬  
里豈非師武臣力夙裕韜鈴之效乎粵東負海涵山南  
維鍾毓英賢接武代有其人若畢取以材勇封侯鄧泌  
以權略典郡洗勁之敦尙節操楊平之精曉戎韜伊古  
相望於今尤盛良由我

國家興賢育才經文緯武作人之化覃被瀛壖一時應  
運挺生類多沈毅果敢習射角力勇幹絕倫與夫駐防  
翹材世嫻武事者靡不騰驤皇路爭效馳驅臣矢慎矢  
公悉心考校按其驅騁縱送之節較其挽彊破的之能  
驗其距石翹關之勇又令默寫武經以覘素所肄習拔  
其尤者錄而登之固將以此時之習射角力備他日之  
任將知兵而儲干城腹心之寄克壯其猷以致用可使  
有勇而知方多士遭際昌期奮勉勵翼時維鷹揚以襄  
我

聖天子隆平之盛武衛之與文治又何殊哉維時官斯  
土者某某等例得備書兩廣總督兼署廣東巡撫李鴻  
賓謹序

浙江巡撫部院帥札嘉興府桐鄉縣

照得前言徃行後起所師顯微闡幽采風之責桐鄉縣先正張諱履祥者生當勝國身入

聖朝受業於黃劉之門肆力於程朱之學操履方正造詣宏深以居敬窮理爲先以躬行實踐爲主著書有十六種傳世閱百餘年實理學之真儒洵人倫之師表乃國史編摩已入儒林之傳而祀典闕失未奉鄉賢之祠非所以振士風勵民俗崇表章於旣徃示矜式於將來也合行札飭札到該縣卽便移會儒學考稽軼事採訪遺書證耆舊之流傳合志乘之紀載造冊加看具文通詳由司核明以憑察辨隆諸俎豆馨香之典慰彼梓桑

雙白燕堂外集卷四

三 畫墁剩稿

恭敬之心學校攸關風俗所繫幸毋漏畧切勿泄延  
桐鄉縣紳士公呈

爲醕儒行懋盛世報隆顛請申詳以興觀感事竊聞通天地人謂之儒生扶名教立功德言斯不朽歿薦馨香傳列儒林祭社未盡其報碣標理學居鄉咸被其風某等公按楊園張先生諱履祥字念芝生當貞元會合之交學持朱陸異同之辨因前賢之入夢肇錫嘉名侍慈母而承歡擇居廉讓高隱酌在山之水幼孤驚廬墓之雷孔孟戒受而不違幾復社招而弗赴其居家也忌日不樂齋心無間寒暄退燕日閒舉足不踰尺寸男女不授受婢無翻手之羹佻儷若賓朋婦有齊眉之案其擇

師也徽國寔願學之人旁叅胡薛蔽山受獨傳之秘私淑孫劉得力在居敬一言植品盡存知二字其敦倫也兄勞願代常榮田宅之荆師死無歸盡贈范舟之麥同人講學杜門戶之相爭族子贖身罄貲財而不吝其著書也闕佚者廿餘篇歷兵燹風霜之劫傳刻者十六種俱布帛菽粟之言洵西銘之功臣寔中邦之人瑞某等臚陳碩行恭緬遺徽百世聞而興柳下未加私諡一鄉尸而祝濂溪宜立公祠雖前學使雷製碣表墓門之畔前大府蔣設主供書院之中屢伸昭報未屢僉求伏維劉公念臺先生師也久蒙曠典於九重新肅明禋於兩廡思先生行光志乘殊季孫子叔之無徵幸大憲志切

雙白燕堂外集卷四

四 畫漫荆稿

闡揚又邑獻里文之並採爲此環叩俯准輿情申詳各憲行歷久而彌新尊鉅儒庶足彰聖學報有加而無已崇先哲卽以勸來茲冀慰僉誠寔爲公慶署浙江布政使司吳看得先正張楊園先生桐邑遺民蔽山高弟順親信友修己教人探實學之淵源克紹程朱之統警虛聲於壇坫不尋幾復之盟本經正以興民十六種傳書若揭際道隆而淑世二百年遺範如新稽國史則傳列儒林考方志則碑題理學可祭於社其在斯人允冠鄉賢宜彰祀典

斌廉訪關防告示

照得蒞官行法首重關防剔弊釐奸尤嚴詐偽本司滿  
州著族代凜官常弱冠登朝夙膺世祿幼讀鯉庭治譜  
歷八閩兩浙而遙初從驥院班聯典五輅六閑之選十  
五載度支拾級判詞親檢牙籌左右曹要劇提綱握篆  
常兼掌印寶滕協纂甄勞叨珥筆之榮使節周行宣力  
拜輜車之命爰以讞除草竊仰蒙 恩賞花翎畿南既  
屢泛星槎山左復會持霜簡寅衷倍勵分巡駐齊魯之  
襜帷申異重膺轉運督蘇松之漕餉徵發統二千石以  
下均輸計三十年之通潔已奉公恤丁濟運飛驢火速  
行部風清茲當三運之敷勤得荷九宸之引對褒綸晉  
秩秉臬秦關叩謝恩慈踰聆謨訓飭以清勤勵俗曷以  
明慎用刑感

先皇施拔擢之仁戴

聖主効涓埃之報本司自端圭臬不潤脂膏三尺亭疑  
誓種心田之福八條輓斷誠求肺石之平府集祥烏廣  
慈惠亟清鼓棘門施行馬絕夤緣先屏苞苴律有重輕  
恪遵功令事無鉅細悉出親裁竿牘舞文過慧眼都同  
電照徽繩決獄察秋毫不待風聞吏胥祇給事公庭非  
有豪奴倚勢嫺戚皆策名仕版並無親串偕來雖本司  
祖籍駐防在此地宗支蕃衍然悉各安本分素多謹守  
遺規溯兩昆嘗先後攀帷此間吏治民情久已備經諮

訪維三輔乃往來孔道近日匪徒遊客保無妄肆招搖  
除嚴密訪拏外合先申明禁諭爲此示仰通屬官吏民  
人等知悉倘有山人墨客冒托朋簪術士游民假充賓  
幕或自外方撞騙或聯本省講張爾等慎弗疑心迅行  
出首棄駭雞之筐籠毋使驚羣嚴害馬之鞭箠肯容敗  
類不教而誅謂之虐是用禁於未然大爲之防無得踰  
弗謂言之不早

雙白燕堂外集卷四

六

畫樓刺稿

重修長安縣志勸捐引

伊昔括地開圖闡坤纂錄百有五國訂范氏之遺一十  
三州著闕駟之記志者所以紀沿革通古今備人物者  
也長安神臯重壤井野上腴潘岳之述關中大昌之成  
雍錄凡茲故實咸可準繩某下車以來首稽志乘自康  
熙某年重修後迄今已若干載風土嬗遷地靈蔚起豈  
可使瓊璜女士不登中壘之書孝友恭人竟逸柴桑之  
傳亟宜採緝式表幽光且舊志所陳強多蕪畧凡山川  
道里名宦先賢吉金樂石之遺珍別館離宮之往址散  
而無紀語焉不詳自非修飾前文曷以昭垂奕世夫興  
廢繼絕以潤色鴻業者守土之任也章微顯潛以維持  
風化者薦紳之事也某職在親民願言復古特以連雲  
夏屋榭柶宜廣其材朝海巨川涓澮均分其潤見聞採  
訪必諮博雅之英經費捐輸尤藉充盈之室用專布告  
特請贊勳既爲酌定規條約計需資若干兩成期集腋  
舉賴眾擎費用咸貯於公土著共司其事庶幾百年民  
俗昭漸被之庥三輔舊聞補方輿之闕云爾

廣東省捐給佐雜故員路費啟

蓋聞贈策具孥隨士季同寮之義推舟助塋范堯夫故友之情矧當羈宦無依沒存不返衣冠窘乏艱更甚於窮民鄉國迢遙勢久淹於異域流離目擊惻隱心同今者南徼宦遊北門終窶爲貧而仕本無五斗之儲以官爲家未儻一椽之廡卑棲枳棘殉毛櫟而非歡輿隔粉榆戀首邱而何望或則衰門靡託星奔無六尺之孤或則盡室相從雨泣下重幃之涕嗷嗷寡鵠等填海之冤禽喑喑童烏乏還山之逸翻千里萬里滯旌櫜而難歸十年五年過殯衢而莫問下僚末路最足矜憐愷惠深仁尤先軫卹大憲垂閔故員論籌歸費於例頒周恤之

雙白燕外集卷四

八

畫墁剩稿

外特沛洪施於優加賚予之餘諳期共濟俾就祖宗墟墓免虞眷累漂流意無不周仁無不至春風夏雨感深溥及於朽枯澤海恩山德洽不殊於遐邇現查省城已故佐雜人員無力回籍者凡若干起內有眷口羈留者凡若干家此外各府各州尙多官櫬眷屬亦應一律訪查視道里之短長按程給費核親丁之多寡計口分費悉遵憲定章程務令各歸原籍惟是爲數孔多所需不少倘合給資未足轉滋岐路之艱虞若其經費不敷難免半塗之竭屢大憲厚捐廉俸倡率屬僚興善舉於省中恤窮員於身後用推德意遍告同仁附驥題名數貴多多益善集狐成腋事期久久遵行

爲孫懷遠勸捐煮賑啟

在昔子敬捐困義先周急黔敖爲食惠切拯飢爲善樂  
取於同人救荒必盡其在我啼號中澤尤在青黃不接  
之時任郵高風宜施蒼赤均沾之德是固有司之責亦  
邑中賢士大夫所一視同仁引爲己任者也本縣下車  
六載迭遇偏災上承楓陛敷恩下得梓鄉勸善飢而不  
害眾賴以生今歲黃流漫溢懷邑半被淪胥目擊流離  
心殷飢溺當蒙大府親臨履勘散食給銀遵例撫郵復  
經奏請大賑准成災七八分例放給口糧仰沐  
皇仁至優極渥知大有年之可待魚兆方占惟不舉火  
之猶多鴻敷宜戢地方官職專撫字允應推廣

雙白燕堂外集卷四

九

畫壇剩稿

國恩都人士念切痾瘵當必倍敵鄉誼正在悉心籌備  
適奉憲檄諭令倡捐煮賑隣治鳳壽等邑均已踴躍遵  
行此邦甲戌洊飢具著捐輸成效雖或瘠肥異勢今昔  
異形誠得因地制宜皆可隨時盡力擊期眾舉濟在博  
施凡茲輸粟分財咸歸公所持籌典籍共舉老成粥兼  
粟米諸糧厥分男女兩處斷炊者授餐必徧就食者舍  
哺同歡行見造福於一方將卜貽休於十世本縣特設  
捐簿分廉倡首卽勸紳士商民同善樂輸以期默兆豐  
亨共登仁壽此啓

